



Kampkummels




Nuusblad van Streek Kiepersol van die SA Woonwa-Assosiasie

Jaargang 36, No 4 Februarie 2020

Eerste kamp van 2020 by Andante

Modderpad, verdwaal en 70 mm reën skrik ons nie af nie

Reën, swak sig en ongemerkte paaie het Kiepersollers nie afgeskrik om deur die die modder te ploeg om vanjaar se eerste kamp by te woon nie. Die bestemming was Andante Boskamp, 'n pragtige uitspanplek met 'n verskil (**kyk verslag op bladsy 7**)



Met bosveldbome waar groen grasperke welig groei maak Andante anders as die gewone boskamp.



*Kersvader
geree om sy
swaar sak te gaan
leegmaak.*

*Ian Prinsloo was
by die kinders wat
aanhou skree en
roep het na
Kersvader*



Nostalgiese Kerskamp by Willem Prinsloo

Verlede jaar, 2019, is met groot pret en 'n lag en 'n traan by die Willem Prinsloo Landboumuseum naby Cullinan afgesluit.

Dit was pret omdat Kersvader vir elkeen 'n presentjie gebring het. Die kinders was uit hulle velle van opgewondenheid en die oueres het weer die vreugde van lank gelede ervaar.

Willem Prinsloo is die plek waar Kiepersol/Verwoerdburg in die negentigerjare groot gegaan het. Verskeie toere het ook daar begin. Dit was gevvolglik lekker om weer nostalgie te raak oor die "ou dae" toe ons streek heelwat groter met baie meer aktiewe lede gehad het. Ons kinders was nog opgeskote en hulle het hulle eie tentedorpie gehad.

Johann Lemmer vertel dat dit die eerste saamtrek was wat hulle met hul nuwe woonwa bygewoon het. Dit was in 1993 en wat so besonders van die *Sprite Supersport* was, was dat dit die eerste medium grootte woonwa was wat 'n volledige eilandbed gehad het.

Wilanda noem in haar verslag op bladsy 3 dat die 2019 afsluitingskampterrein uitgestrek is en dit moeilik was om te bepaal waar ons moes staan. So was dit ook in 1993 toe Willem Burger opgemerk het dat die "waens "snaaks" staan.

Volledige verslag en foto's op bladsy 3



OORDENKING

Swaarkry maak my sterk

Rom. 8:37: *Maar in al hierdie dinge is ons meer as oorwinnaars deur Hom wat vir ons liefhet.*

Navorsing het bewys dat daar veral twee dinge is wat soos 'n goue draad deur die verlede van groot leiers loop. Die een is die teenwoordigheid van 'n mentor op kritieke tye in hulle lewe. Hier dink ons aan hulle vormingsjare of hulle oorgangsjare en middeljare. Dit kan 'n pa, ma, onderwyser, vriend, ouer persoon of 'n ander groot leier wees.

Die tweede faktor is hulle moet een of ander tyd swaarkry en so leer vasbyt. Hierdie swaarkry kan in verskillende vorme kom. Daar is emosionele swaarkry en finansiële swaarkry. Daar is die swaarkry van aanvegtinge, jaloesie, afguns, vernedering en verguising. Daar is die swaarkry van depressie. Lees gerus Izak de Villiers se klassieke boek oor depressie (Depressie: die siekte van ons tyd, Tafelberg, 1989) en sien hoeveel groot leiers die een of ander tyd met depressie gesukkel het. Daar is juis 'n teorie wat sê dat daar in depressie 'n onontginde krag opgesluit lê.

Eenvoudig gestel kom dit daarop neer dat wanneer jy leer om weerstand te bied teen die donker in jou eie siel, jy daardie finesse en energie ook goed kan gebruik as jy die probleem oorkom het en nou moet weerstand bied teen die kragte en magte wat jou leierskap of alledaagse menswees bedreig. Jy hardloop nie meer so maklik weg nie.

Een van die beste voorbeeld hiervan is die lewe van Winston Churchill wat self intens met depressie gesukkel het, maar in een van Engeland se donkerste ure 'n baken van hoop en krag geword het. Hoekom? Hy het geleer hoe om gevoelens van moedeloosheid en verslaenheid te hanteer. Hy het nie meer daarvoor geskrik nie en geweet dit kan beveg word. Hy kon daarteen opstaan en so ook 'n hele volk inspireer om dit saam met hom te doen.

Here, mag my swaarkry iets word wat in diens gestel kan word van ander. Mag ek krag daaruit kry wat ander in nood sal kan bystaan. Amen

. Uit: Lewe met Perspektief - Braam Hanekom - uitgegee deur CUM



Streekbestuur 2019-2020

Voorsitter: André Baker

Ondervoorsitter: Wilanda Prinsloo

Sekretaris: Litia Joubert

Penningmeester: Rigard Lemmer

Redaksie: Wilanda Prinsloo

Senior burgers: Ina van den Berg

Bladuitleg Kampkrummels: Johann Lemmer: lemmerj@mweb.co.za

Bankbesonderhede: Sawa Kiepersol, ABSA Centurion 600 810 499

Afsluitingsaamtrek by Willem Prinsloo

Die laaste kamp van 2020 is vanaf 22 tot 24 November by die Willem Prinsloo Landboumuseum gehou. Toe Quintin en Wilanda Vrydagoggend daar opdaag was Fanie en Marie Marx reeds daar. Dit was 'n vreeslike gestoei om te besluit waar om te staan in die 'wye oop' vlaktes. Uiteindelik is daar op 'n plek besluit naby die kuierstoep en geriewe maar met min koelte.

Deur die loop van die dag het Ina opgedaag gevolg deur Marco en Eugenie en kroos, die Jouberts en later die Lemmers. Laasgenoemde sê hulle sien nie kans vir die son wat neerbak nie en besluit toe hulle soek koelte en ons moes toe "9 dae te perd" gaan om by hulle uit te kom.

Vrydagoggend het ons almal saam onder die afdak gebraai, 'n paar potbrode is gebak en net eenvoudig lekker gekuier. Nie eers die woeste donderstorm het ons van stryk gebring nie.

Saterdagoggend het ons die plaas verken, die museum besoek en net luilekker saam gekuier.

Marco en Eugenie het om en by drieuur met die skaapskenkel pot begin. Wilanda het amper vergeet om die rys te kook, maar toemaar, alles was betyds klaar.

Net voor donker het Kersvader kom kuier, Stefan en Marnus het aanhou roep totdat Kersvader hulle gehoor en nader gekom het. Ian het saam geskree maar geen idee gehad hoekom daar geskree is nie (sê wie? -Red.).

Kersvader het vir ieder en elk 'n presentjie gebring en almal moes eers vir die ou Witbaard sê of hulle soet was deur die jaar. (Kyk foto's)

Dankie Marco en Eugenie vir die heerlik potjiekos – 'n paar van ons het tweemaal geskep – sommer ook genoeg vir Sondagoggend se brekfis.

Sondagoggend het ons die erediens van die Gereformeerde Kerk Oos-Moot per *facebook* se direkte uitsending gekyk en daarna afgesluit.

Die Kiepersollers het 2019 behoorlik vaarwel toegeroep en sien uit na 2020 wanneer 'n hond uit 'n bos gekamp gaan word.

Vooorspoedige 2020 aan almal en hopelik sien ons mekaar meer gereeld by kampe hierdie jaar.

- Quintin en Wilanda Prinsloo



Blignaut Prinsloo saam met gelukkige kinders. Op die foto is Stefan Marx, Ian, Blignaut en Marnus Prinsloo



Marco Prinsloo omhels Kersvader om dankie te sê vir die presentjie wat hy pas ontvang het ▲

Fanie, Johann, Martiens en Marco braai vleis ▼



Kersvader deel geskenke uit, skopfietse en potjie



Ian en Marnus Prinsloo lyk geamuseerd



Marnus is opgewonde oor sy presentjie



Kyk hoe 'n grote kry Wilanda



Quintin sit sy arm beskermend om Kersvader se skouer



Is hule nie al te groot om op skopfietse te ry nie?



Dis 'n bobaas potjie wat Eugenie en Marco gemaak het.



Breë glimlagte en geskenke vir die grootmense

Onthou om Andante se verslag en foto's op bladsy 7 te lees



Martiens Joubert



Bets Joubert



Eugenie Prinsloo



Ina van den Berg



Fanie Marx jnr



Zania Marx


Dankie aan Kersvader en fotograwe vir die pragtige foto's!



Fanie Marx




Marie Marx



Fanie met die brandblusser handelsmerk



Nadine Prinsloo



Johann Lemmer

Alet Lemmer



Andante boskamp

Wilanda Prinsloo skryf:

Met ons aankoms Vrydagoggend 24 Januarie 2020 by Andante kamp was die Delpots en Lemmers reeds daar en klaar kamp opgeslaan. Ons moes hoor hoe Seef die kort grondpad gevat het en loop vassit het in die poel modder. Dit het 'n boer met 'n bakkie gekos om hom daar uit te kry.

Ek moet sê ek het ook 'n stukkie plaas gekoop net nadat ons daar gestop het. Quintin en Nadine moes my kom ophelp nadat my plakkies in die modder vasgesit het.

Een vir een het die lede gearriveer, nadat almal, en ek bedoel almal, verdwaal het. Die aanwysings na *Andante Bush Camp* is nog nie deur die Stadsraad goedgekeur nie en derhalwe kon niemand die afdraaipad raak ry nie. André Baker het 'n paar uur op sy foon spandeer om almal veilig daar te kry. Tannie Frieda se kuite was tot in die rooi gepomp toe sy daar stop. Sorry tannie Frieda, maar kyk, nou weet tannie waar die plek is en hoef tannie nie weer te verdwaal nie!

Oppad soontoe kry ons 'n *whatsapp* boodskap van André om te hoor of daar pannekoekdeeg is. Gou-gou is daar 'n plan gemaak en bak ons pannekoek dat jy net sien kaneelsuiker spat.

Na boekevat is daar Vrydagoggend lekker gebaraai in die "boma" – ons almal het op die hoogte gekom van skindernuuus, lekker gelag en baie gesels. Ons het net klaar gebaraai en gekuier toe die druppels begin val. Ek wat 'n gebore Kapenaar is, het maar woonwa toe gevlug en my ore toegedruk. Dit was baie swaar weer, die blitse en donderweer daar tussen die berg was erg, kwaai en moeilik. Op 'n kol het Quintin gaan kyk of alles buite nog staande is en vir André raakgeloop, die twee het na mekaar toe geswem soos die water deur die park gestroom het (ha-ha, ek oordryf 'n bietjie!).

Saterdagoggend was dit nog 'n bietjie bewolk, maar kort voor lank toe skyn die son hoog en warm. 'n Paar lede is dorp toe, ook maar net om met hulle 4 x 4's in die modder te gaan speel. Blikkies het natuurlik oorboord gegaan.

Daar is *patang (boule)* gespeel en luilekker in die son gesit en lees. Van die lede het besoekers gehad wat die swembad uitgetoets het en later die middag het Seef die *bingo* nader getrek. Ek weet nie hoekom ek dit nog probeer nie, want ek het nog nooit kon BINGO!!! skree nie.



Seef, gee asseblief vir my net die regte kaartjie volgende keer !!!! Hoe Magriet Arnold en ander Magriet (Baker) dit 'n paar keer reggekry het weet ek nie.

Quintin het vir ons lekker brood gebak en daarna groot vure gemaak sodat almal sommer weer daar in die *boma* hulle vleisie kon braai. Na boekevat deur Magriet het almal agteroor gesit en heerlik rondom die vuur gekuier.

Ek moet sê gelukkig het ons nie Saterdagaand reën gehad nie want arme Seef se senuwees was totaal en al klaar gewees as sy woonwa weer uit die modder gesleep moes word.

Sondagoggend het ons oor *facebook* op die skerm na ds Gerard Meijer van Oos-Moot gekyk en geluister. Daarna was daar koffie en koek na afsluiting. Van die lede het direk daarna opgepak en die modder gaan aandurf. Behalwe vir Seef wat Andante se hek wou saamneem huis toe, was daar nie verdere "ongevalle" nie.

Dit was weereens 'n baie suksesvolle kamptnaweek en wil ek ieder en elk bedank vir die lekker kuiertjies. Tot volgende keer.

Quintin en Wilanda



Die saamtrek is bygewoon deur André en Magriet, Quintin en Wilanda, Kobus en Martie en vriende, Frieda, Con en Magriet, Chris en Litia, Jerome, Anna en Pieter Henning, Seef en Susan, Johann en Alet asook Blignaut en Nadine.

Bak, swem en speel by Andante



Die bakker met gloeiende kole om die brood te bak



Koel af in die blou, blou water ▲

Pieter Henning pot nog 'n balletjie ▼



BINGO! Nadine, André, Magriet en Wilanda ▲
Magriet Arnold en die bingomeester, Seef Delport
▼



Chris en Litia ▲

Quintin en sy potbrood ▼





Lekker wegbreknaweek by Andante



Pieter en Jerry Henning besig met potspel



Hoog die vaandel en lekker kuier ▲
Die kole is gereed om te braai ▼



Susan en Alet is ene konsentrasie met bingo ▲
Magriet, André en Nadine ▼



Kom kamp volgende
keer saam en word
deel van die pret!

